

FRÉTTABRÉF

Sjómanna- og vélstjórafélags Grindavíkur



1. tölublað 8. árgangur - Desember 2020



Páll Jónsson GK 7, kemur til heimahafnar 2020.

Kæru félagsmenn

Aðalfundur Sjómanna- og vélstjórafélags Grindavíkur verður haldinn þann 27. Desember.

Í ljósi aðstæðna þurfum við hjá SVG að hlíta þeim fjöldatakmörkunum sem í gildi verða, munum við þurfa að skifta fundinum í samræmi við þann fjölda sem má vera í Sjómannastofunni þegar að þar að kemur. Félagsmenn SVG eru beðnir að fylgjast vel með upplýsingum í desember, sem munu birtast á heimasíðu svg.is og með fréttabréfi.

Fyrir hönd stjórnar Einar Hannes Harðarsson.



Sjómennt fyrir sjómenn?

Stjórn SVG tók þá ákvörðun í ársbyrjun 2017 að fara í einu og öllu eftir úthlutunarreglum sem Sjómennt setur og greiða félagsmönnum fulla endurgreiðslu til menntastyrkja í samræmi við þeirra reglur.

Félagsmenn senda eftir sem áður sín gögn á skrifstofu félagsins.

Frekari upplýsingar á skrifstofu SVG í síma 426-8400 eða tölvupóst svg@svg.is

Ítrekun frá stjórn Sjómanna- og vélstjórafélags Grindavíkur

Stjórn S.V.G. ítrekar við félagsmenn að skrifa ekki undir ráðningarsamninga nema með fyrirvara um að þeir standist gildandi kjarasamninga

30% afsláttur af sjófátnaði hjá 66 'N

Samkomulag er í gildi milli SVG og Sjóklæðagerðarinnar um 30 % afslátt til félagsmanna, á það við um allann vinnufátnað. Framvísa þarf félagsskírteini, sem hægt er að prenta út af síðu

svg.is/orlofsvefur þar sem félagsmaður fer á „síðan mín“ og prentar út skírteini eða tekur mynd á símann

Skipsdagbók

Félagsmenn eru áminntir um að tilkynna slys og önnur óhöpp til skipstjóra og sjá til þess að atvik verði færð í skipsdagbók. Það er á ábyrgð skipstjóra og útgerðar að tilkynna atvik til Tryggingastofnunar ríkisins.

Styrktar og Sjúkrasjóður

- Félagsmaður telst styrkhæfur eftir 6. mánaða iðgjaldagreiðslur, athugið að réttur flyst milli félaga, að öðru leyti gildir 1. árs regla.
- Reikningar sem eru eldri en 12 mánaða gamlir verða ekki greiddir.
- Með umsóknum þarf að skila vottorði til félagsins, staðfestingu á síðasta launadegi og upplýsingar um nýtingu persónuafsláttar.
- Reikningar sem berast til félagsins eru einungis gildir þegar að réttur hefur myndast hjá félagsmanni.
- Ef félagsmaður er að fá greitt annarstaðar þá á sá aðili ekki rétt á sjúkra/dagpeningum.
- Félagsmaður skal skila löglegum reikningi með nafni sínu og kennitölu frá viðurkenndum þjónustuaðila.
- Með löglegum reikningi er átt við að viðskiptin þurfa að vera við aðila sem selja þessa þjónustu og gefa út reikninga sem uppfylla öll skilyrði opinberra aðila.
- Reglur og lög sjóðsins hafa verið uppfærð á vef félagsins svg.is

Fiskiskip

– Leiðbeiningar um smitgát og viðbrögð ef grunur er um smit um borð

Einstaklingur í sóttkví má ekki koma um borð.

Einstaklingur sem sýnir flensueinkenni er ekki heimilt að koma um borð.

Einstaklingi sem hefur umgengist einstaklinga sem eru með Covid-19 er ekki

heimilt að koma um borð enda í sóttkví að skipan Landlæknis.

Mælst er til að áhafnir séu skimaðar. Landlæknir heimilar skimun einkennalausra skipverja sem eru lengur úti en 5 daga og sigling til hafnar þar sem heilbrigðisþjónusta er tekur lengur en 8 klst. Útgerð getur haft samband við heilsugæslu um skimun áhafnar. Að lokinni skimun og neikvæðri niðurstöðu skal skipverji haga sér sem hann væri í sóttkví þar til farið er um borð.

Áður en haldið er úr höfn

Gæta skal að lyfjakistu um borð og hafa samband við trúnaðarlækni eða heilsugæslu um æskilegar lyfjabirgðir.

Hafa hlífðarfatnað (veiruheldar grímur, hanska, plastsvuntur) til að bregðast við smiti um borð, hreinsiefni og sóttthreinsiefni (Virkon eða klórblöndu 500-1000 ppm að styrkleika). Hafa einnota mataráhöld (diska, mál og hnífapör) um borð. Mælst er til að vistir (varahlutir, matvæli ofl) séu skilin eftir við borðstokk og áhöfn komi varningi um borð.

Áður en haldið er úr höfn skal skipstjóri/útgerð ræða við áhöfnina um hvers ber að gæta við að verjast smiti (handþvottur, notkun handspritts, aukin þrif og sóttthreinsun snertifleta, matsveinn skammti á diska o.s.frv.)

1. útgáfa, 29.10.2020

Áhöfnin skal við upphaf veiðiferðar upplýst um viðbragðsáætlun útgerðar ef smit kemur upp um borð. Fyrstu tvær vikur veiðiferðar skipta höfuðmáli.

Umgengni um borð fyrstu tvær vikurnar á sjó

Skipverjar haldi sig eins mikið og mögulegt er út af fyrir sig og virði tveggja metra fjarlægð milli manna ef hægt er, t.d. í borðsal og í stakkageymslum.

Tilmæli verði gefin um að sem fæstir verði í borðsal og öðrum sölum á hverjum tíma. Skipverjum verði skipt í hópa á matartímum og áhöld, stólar, borð o.þ.h. sóttthreinsað eftir að hver hópur hefur lokið máltíð. Matsveinn skammti á diska og afhendi hnífapör/leggi á borð.

Skipstjórar og yfirstýrimenn fari sem minnst eða ekki í borðsal og önnur rými skipsins þar sem umferð áhafnar er mikil. Þeim verði færður matur og annar viðurgerningur.

Vélstjóri á vakt verði í vélarrúmi eins og við verður komið. Ef ekki á vakt þá sem mest í klefa sínum. Vélstjórar neyti matar einir ef hægt er.

Munum reglulegan handþvott og sprittun. Spritta alla snertifleti eins og mögulegt er. T.d. eftir kaffipásu í stakkageymslu þar sem skipverjar virða fjarlægðarreglur.

Finni skipverji fyrir flensueinkennum meðan hann er í klefa skal hann tilkynna það símleiddis upp í brú og halda kyrru fyrir í klefa.

Komið til hafnar

Ef skipverji á að fara næsta túr er mælst til að hann sé um borð nema brýna nauðsyn beri til.

Fari skipverji í land milli túra þá skal viðkomandi vera sem minnst á ferli nema brýna nauðsyn beri til.

Löndunargengi fari ekki í önnur rými skips nema þau sem nauðsynleg eru vegna vinnu eða öryggis, til að mynda stakkageymslur, borðsali eða vistarverur skipverja.

Eins eiga þessi tilmæli við um viðgerðarmenn og aðra sem þjónusta skip í höfn. Þeir séu aðeins á þeim svæðum þar sem vinna er nauðsynleg.

Svæði þar sem löndunargengi eða aðrir úr landi sem þjónusta skipið, fara um við vinnu sína verði þrífir og sótthreinsuð að vinnu lokinni áður en skipverjar fara um svæðið.

Þegar skip er í höfn skal vera handspritt við landgang og öllum er skylt að spritta hendur sínar áður en gengið er um borð í skipið.

2. útgáfa, 29.10.2020

Grunur um smit

Hafið strax samband við Stjórnstöð LHG/112. Látið útgerð/útgerðarstjórn skipsins einnig vita strax. Skipstjóri ráðfærir sig við LHG/112 og útgerðarstjórn skipsins. LHG vinnur samkvæmt Leiðbeiningum hafna og skipa og leiðbeinir um sóttvarnahöfn sem skipi er vísað til í samráði við sóttvarnalækni. LHG tryggir upplýsingamiðlun til hlutaðeigandi hafnar.

Skipstjóri ber ábyrgð á öllum aðgerðum og ákvarðanatökum.

Skipstjóri skal setja viðkomandi strax í tímabundna einangrun. Ekki er heimilt að flytja hann á milli klefa, hann skal vera áfram í sínum klefa með aðgengi að snyrtingu og sturtu sem öðrum er ekki heimilt að nota á meðan.

Skipstjóri skal tilgreina einn úr áhöfn sem hefur leyfi til að umgangast þann sem er í sóttkví og færa honum mat og aðrar nauðsynjar. Sami aðili skal sjá um hann allan tímann á meðan hann er í sóttkví. Sá aðili skal klæðast viðeigandi hlífðarbúnaði (einnota hanskar, grímur, plastsvuntur). Öðrum er óheimilt að umgangast hann.

Allan búnað sem viðkomandi einstaklingur þarf á að halda í einangrun skal ekki blanda saman við annan búnað áhafnar. Helst skal nota einnota matarstell og setja að notkun lokinni í lokaðan poka inn í klefa. Matarstell, búnaður og föt skulu þvegin sér og skal sá sem tekur við því klæðast hlífðarbúnaði (einnota hönskum, grímu og plastsvuntu) sem má fara í lokaðan poka að notkun lokinni og í almennt sorp. Fatnað og áhöld má þvo með heitu vatni og sápu að notkun lokinni.

Áður en komið er til hafnar þegar grunur er um smit

Undirbúið skipið og þann sem er í sóttkví áður en komið er til hafnar samkvæmt ráðleggingum frá LHG/112 og sóttvarnalækni.

Mikilvægt er að aðrir úr áhöfn fari ekki frá borði heldur bíði frekari fyrirmæla.

Eftir að sjúklingur er farinn frá borði – Þríf og löndun

Sé um smit að ræða og sótthreinsa þarf skipið er mælt með því að fá fagaðila til verksins.

Þegar fagaðili hefur lokið þrífum er mælt með að endurtaka þrífir, þó ekki fyrr en 3 klst eftir að fyrri þrífum er lokið.

Beita skal grundvallarsmitgát við þrif.

Mikilvægt er að þrifa svæði og loftræsta vel þar sem sá sem var í sóttkví hefur dvalið. Við þriffin skal nota eftirfarandi hlífðarbúnað: Einnota hanskar (tvenn pör), einnota svunta og grímu. Nota skal samþykkt hreinsi- og sóttvarnaefni (1% Virkon). Hafið tiltækan poka fyrir sorp.

3. útgáfa, 29.10.2020

Klefa, snyrtingu og sameiginleg rými skal þvo með sápu og heitu vatni. Alla snertifleti skal spritta. Á milli svæða skal skipta um þvottaklúta (bréfþurrkur) og setja slíkt í lokaðan poka og í almennt sorp. Allt lín sem sá sem dvaldi hefur notað eða er inni í káetu (rúmföt, handklæði, gardínur) skal þvo á 90°. Bréfþurrkur eru notaðar til þess að hreinsa upp sýnileg spilliefni. Rúmdýnur skal sótthreinsa (strjúka yfir með sótthreinsi) og allt leirtau skal þvo.

Skiptið um hanska ef á þeim sést mengað efni. Að verki loknu skal setja notaðan hlífðarbúnað í plastpoka sem er lokaður tryggilega og má fara í almennt sorp. Hendur eru þvegnar og sprittaðar strax og búið er að ganga frá hönskum í lokaðan poka sem má fara í almennt sorp. Farið í hreinan vinnufatnað að verki loknu. Óhreinan fatnað má þvo í þvottavél.

Notuðum hlífðarbúnaði og öðru sorpi sem fallið hefur til við umönnum hins veika (t.d. notaðir ælupokar, óhreinar þurrkur) er sett í lokaðan poka sem fer í almennt sorp.

Vakni einhverjar spurningar hafið samráð við sóttvarnalækni/umdæmislækni sóttvarna á þeim stað sem komið er til hafnar um hvernig staðið skal að þrifum. Vinnsluskip – vinnslurými skal þvo með sápu og heitu vatni. Snertifleti skal spritta.

Löndun afla/afurða úr skipum – Áður en löndun hefst skal loftræsta vel (lúgur opnar í 4 klst.). Fara skal stystu leið að afurðum. Starfsmenn sem sinna löndun skulu vera með hanska og grímur. Ef ekki er notaður hlífðarfatnaður skal skipta um fatnað að lokinni löndun og spritta hendur.

EINUNGIS ER UM LEIÐBEININGAR AÐ RÆÐA

**OG ÞVÍ ER MIKILVÆGT FYRIR SKIPSTJÓRA OG ÚTGERÐ
AÐ FYLGJA FYRIRMÆLUM SÓTTVARNALÆKNIS OG LHG.**

Björgunarsveitn Þorbjörn auglýsir eftir réttindamönnum


á björgunarskipið Odd V. Gíslason.

Áhugasamir félagsmenn hafi samband við skrifstofu SVG .



Sjómenn

Aðalfundur Sjómanna- og vélstjórafélags Grindavíkur 2020 ,
verður haldinn sunnudaginn 27. desember í sjómannastöfunni Vör.
Vegna óvissu verður framkvæmd og tímasetning fundar auglýst síðar.



Dagskrá fundar:

1. Fundur settur
2. kosning fundarstjóra
3. skýrsla stjórnar
4. ársreikningar
5. kosning stjórnar
6. lagabreytingar
7. önnur mál

Hið árlega jólaball SVG fellur niður

Gefðu aukagjafir um jólin

Grindvíkingar eru hvattir til að kaupa aukagjafir fyrir jólin,
merkja fyrir hvaða aldur þær henta og koma þeim fyrir
undir fallega jólatrénu í Kvikunni, Hafnargötu 12a.

Tekið er við gjöfunum til 13. desember.

**Þeim gjöfum sem skilað er óinnpökkuðum
verður pakkað inn áður en þeim verður dreift.**

Félagasamtök innanbæjar munu sjá til þess að koma gjöfunum
til fjölskyldna sem hafa minna milli handanna.

Þeir sem vilja þiggja gjafir geta haft samband við Elínborgu Gísladóttur,
sóknarprest, í síma 696-3684 eða gegnum netfangið grindavíkurkirkja@simnet.is.